

CARTA NU GUTHEL·LA' APÓSTOL SAN PEDRO PARA ITUTE YÉTSILOYU

Primera Epístola Universal Del Apóstol

SAN PEDRO

1 Inte' Pedro, chi guthèl·la' Jesucristua inte' para ccá' apóstol qui'e nna quixa'a' titsa' qui'e. Rudiánia' iyaba lebi'ì canu tsè'e idittu' fuera de estado qui' le porqui'ni gatti' tsè'e ba le hàstaba le' ca estado lá cą Ponto nna Galacia nna Capodocia nna Asia nna Bitinia nna. ²Lebi'ì nna chi becué' Dios Padrea le nna chi ná le ca enne' qui'e porqui'ni ą' nanie dèsdaba ántesca galia le le' yétsiloyu. Por la' huacca qui' Espíritu Santo enne' dúe lo losto' le nna chi ná le enne' yà'latsi qui'e para guni le nu rèe nna ccá le enne' nàri de ca tul·la' qui' le por reni qui'áa. Tata Dios nna gunie adí favor para lebi'i nna gunnee adí la'ỹeni lo losto' le.

³Ná qui'ni hué' ri'u gracia Dios enne' ná Tata qui' Jesucristua enne' rigú'ubia' lo iyaba ri'u canu ríalatsi'. Qui'yarú Tata Dios porqui'ni yala retúa latsi'e ri'u, acca chi bennee la' labàni cubi qui' ri'u, ą' benie

porqui'ni chi bechìthee Jesucristua de lo lù'uti nna beyàcca banie, acca yùliràni ri'u tulidàba qui'ni echìtha huée ri'u. ⁴Acca ribèda ri'u lani la' redácca'latsi' qui'ni i'yu tsá tsé'e ri'u ÿiabara' lani lèe nna gunnee qui' ri'u nu ral·la' ri'u porqui'ni ná ri'u ÿi'nie. Iyaba nu té ÿiabara' nu gunnee qui' le nna chi tenie na seguro, pero álahua ná bi'ya cosa material nu ritè ba qui'ì, sino ná lą ttu la' labàni completamente tsè' tulidàba, tì'a ttu ìyya tsè'ni nu ralią nna, ą' ba eyà'ną para siempre. ⁵Tata Dios nna ruì'e le cuidado por la' huacca qui'e sobre iyaba ca peligro nu té miéntraste bàni le le' yétsiloyu, porqui'ni gata' fe qui' le lani e, para qui'ni canchu chi i'yu tsá nna gudilèe ri'u le' iyaba ca peligro nna ą'hua lù'uti nna. Seguro taá gunie nù para ri'u porqui'ni anía modo chi nanie qui'ni gudilèe ri'u canchu chi gul·lani tsá señalado nu rèe. ⁶Chì yù le anna tì'iyā i'ỹeni ná la' huacca qui'e lani ri'u, acca ná

qui'ni edácca'ni losto' le tulidàba màsqui'ba caduel·la' ccá le sufrir biya prueba nu dá'. ⁷Tata Dios nna runie permitir qui'ni dá' ca prueba. Ttu íyya nna para ccá ri'u saber canchu hualigani ná puro de oro o canchu yù'u attu clase de íyya huaya' lle, acca rudàyi cã na para ccã purificar. Oro nna ná ttu cosa material nu tté ba qui'í, pero lebi'í nna adíru dacca' le tì'chula oro, pero a'hua ná qui'ni ccá hua le probar por iyaba nu ritè le le' yétsiloyu, para qui'ni gulue'ní canchu hua lígani rappa le confianza lani Tata Dios tulidàba. Làniana gudàlianie le porqui'ni labí bettse'e latsi' li e, a'hua gunie qui'ni ccá le enne' dacca'. A' gunie para lebi'í canchu chì i'yu tsá qui'ni iyaba ca enne' le' yétsiloyu nna ilá'ni cã íl·lani Jesucristua attu. ⁸Labí chì bilá'ni le lo Jesucristua, pero hua té la' tsì'ilatsi' lo losto' le para lèe nna rappa le confianza lani lèe, màsqui'ba labí du tie lani ri'u. Acca yala la' redácca'latsi' té lo losto' ri'u, atsi'íni labí posible té para inne tè ri'u tsì'iya tsè' ná, pues ná tì'a la' redácca'latsi' nu gunnee qui' ri'u canchu chì i'yu tsá ilá'ni ri'u lúe. ⁹Chì rappa ri'u confianza lani Tata Dios, acca té la' redácca'latsi' lo losto' ri'u porqui'ni lèe nna chì bedilèe ri'u para qui'ni tsé'e ri'u lani lèe. ¹⁰Ca nubeyu' canu bedia ca libro qui' Antiguo Testamento, ttu te cabi nna bedia cabi nu cca qui' nu chì da'la nna, belaba latsi' cabi nna yala duel·la' beni cabi para gunibía' cabi tì'iya modo gudilà Tata Dios ca enne' qui'e. Làcabi nna gunnee cabi nu cca

qui' favor ýeni nu guni Tata Dios qui' ca enne' nu chì tsé'e la, quiere decir ri'u canu tse'e tiempo anna. ¹¹Cristua nna por medio de Espíritu Santo qui'e nna betie la' ritelíni qui' ca profeta, acca bega'na cabi seguro qui'ni Tata Dios nna ithel·le'e ttu enne' le' yétsiloyu nna pero nuýé guthácca' cã ne nna quée sufrir. A'hua gutixà'anie cabi qui'ni canchu chì uccuee sufrir nna entonces th'íe iýeni la' dàliani le' ýiabara'. Acca yala duel·la' beni cabi para ccá cabi saber tì'iya nua ná enne' ithèl·la' Tata Dios para gudilèe ca enne' qui'e, a'hua cuaýa gunie nua. ¹²Ca profeta nna uccua cabi saber por Tata Dios qui'ni ca cosa nu gutixà'a cabi nna bihua ccã durante tiempo gutse'e cabi yétsiloyu, sino lebi'í lá nua' chi cca le saber tì'iya ná ca enseñanza nu ra cabía. Chi nabiá'ni le qui'ni Jesús nna née Cristua enne' gune cabi qui'e, porqui'ni ca enne' huálatsi' quí Jesús primérute nna chi gutixa'áni cã le ca titsa' nu rulue' tì'iya modo l·lá ri'u por Cristo Jesús. Làcã nna gutixa'áni cã le por la' huacca qui' Espíritu Santo enne' guthèl·la' Tata Dios dèdeba ýiabara'. Ca ángeli nna yala calatsi' cabi màsqui'di ti'to' gunibía' cabi biya nua ná la' redácca'latsi' nu chi te qui' ri'u de chi bedilà Crístuá ri'u, pero álahua ná para làcabi. ¹³Ná qui'ni gata' la' rulábalatsi' tsè' qui' le tulidàba nna hué' le cuidado làa guni le biya mal. Bittu iýùl·lani le qui'ni canchu chi i'yu tsá qui'ni iyaba ca enne' le' yétsiloyu ilá'ni cã íl·lani Jesucristua, entonces gata' ttu la' redácca'latsi' nu gunnee qui' le. ¹⁴Liguni iyate

nu ra Tata Dios, porqui'ni chi ná le ÿi'nie. Bíturu guni le seguir ca la' rulábalatsi' mal tí'a beni le loti' labí chi nabí'ni li e. ¹⁵Pero ná qui'ni ccá lá la' rulábalatsi' qui' liá' ttüba para qui'ni guluè'ni le ca enne' ttu la' labàni tsè' nna nàri nna por iyaba nu runi le, porqui'ni Tata Dios enne' gutàÿie le para ccá le ÿi'nie nna née enne' completamente tsè' nna nàri nna. ¹⁶Porqui'ni lo titsa' quì'e nna ga'na escrito làti rèe: Cca le enne' tsè' nna nàri nna tí'a inte'. ¹⁷Canchu chi runi le oración lani Tata Dios nna rul'luítsa' li e: Tata quia': porqui'ni ná le ÿi'nie. Pero liúrexa latsi' le qui'ni tulàppa ba runie lani iyaba clase de ca enne' tsè'e le' yétsiloyu, porqui'ni lèe nna gucu'ie iyaba nu chi beni ri'u. Acca liguni nu ná tsè' lani ca enne' tí'a rèe, pero lani la' rátsilatsi' porqui'ni Tata Dios nna rilá'nie biÿa nua runi ri'u canchu nâ tsè' l-le o canchu nâ mal l-le. ¹⁸Chì ba yù le qui'ni Tata Dios nna chi bedilèe le le' iyaba ca costumbre nna ca creencia nu labí dacca' iÿu' nu beluè'ni ca ta' enne' gùla quì' le l-le. Chì gulà le, pero alàa por biÿa cosa material nu ttíà tí'a bel-liu, ¹⁹sino por nu adiru dacca', quiere decir, por Cristo, por reni quì'e nna. Tiempo antigua nna betti ca enne' ca carnero to' nu labí biÿa ridacca', para ofrenda lani Tata Dios. A'hua Cristo enne' sin biÿa mal nna gùttie para qui'ni eyuniÿén latsi' Tata Dios ca tul'la' qui' ri'u. ²⁰Chi nani Tata Dios ántesca cue' yétsiloyu qui'ni gatti Cristua para qui'ni l-lá ri'u, pero labí guthèl-la' tìe bi hàstaba anna para qui'ni lebi'ì nna gunibía' le iyate nu chi

nanie para yétsiloyu. ²¹Porqui'ni chi gùtti Cristua por ri'u, acca chi rappa le confianza lani Tata Dios enne' bechìthee Cristua de lo lù'uti nna betie la' dàliani quì'e para qui'ni quée adiru enne' dacca'. Acca por nùì nna ribèda le lani la' redácca'latsi' qui'ni a'hua lebi'ì nna eyátha hua le de lo lù'uti nna tsé'e hua le ÿiabara', porqui'ni ría latsi' le qui'ni Tata Dios nna té la' huacca quì'e. ²²Chi runi le duel-la' por la' huacca qui' Espíritu Santo para qui'ni ítua iyaba ca cosa mal qui' la' labàni qui' le, porqui'ni chi runi le nu ra lo titsa' lí, acca ná qui'ni gulue' le la' tsì'lilatsi' nu chi te lo losto' le nna etúa latsi' le adí canu ría latsi' lani itute latsi' le. ²³Chi te la' labàni cubi qui' le, pero labí dá'a por tàta nàna qui' le, porqui'ni la' labàni nu benna çà qui' cuerpo qui' le nna tté ba quì'ì. Pero la' labàni cubi nu chi te qui' le ànnana labiru ttíà, porqui'ni Cristua nna bennee na qui' le, porqui'ni huía latsi' le Tata Dios. Titsa' quì'e nna nâ nu lí para siempre. ²⁴Ra lo titsa' quì'e nu chi ga'na escrito:

La' labàni nu te qui' ri'u dèsdaba gùlia ri'u le' yétsiloyu nna ná qui'ni tté ba quì'ì tí'a ca ixi',
Pues ttu tsàstito' ba nâ yà'a tsà'ni, làniana ibìtsi chà.
A'hua iyaba la' dàliani qui' ca enne' le' yétsiloyu nna tté hua quì'ì,

Tí'a iÿya qui' ttu yaga to' eyòla bá.

²⁵Pero iyaba nu ra lo titsa' qui' Señor nna nâ nu ná lí para siempre.

Evangelio nu gutixá'ani tu' le nna ná titsa' nu ná lí para siempre.

2 Bittu guni le biya mal qui' attu luètsi enne' le. Bittu guthácca'yí le ca enne' para gulaba latsi' qui' qui'ni yala amigo ná le, pero lo losto' le nna labí lini le, sino ccá le enne' losto' tsè'. Bittu ccá le yélati' lani ca luètsi enne' le. Bittu inne le contra ttu enne' canchu lanúq te làti tsè'e le. ²Chi yù le qui'ni ca nito', de chi gulia ba ca nna yala ribetsi ca qui'ni ritùni ca nna, anía modo í'ya ca leche nna gata' adí fuerza qui' cuerpo qui' qui'. Pero lebi'í nna ná qui'ni gata' adí fuerza para espíritu qui' le, acca liguni duel-la' telini le adí titsa' qui' Tata Dios porqui'ni nq alimento lígani para gata' salvación qui' le. ³Chi ría latsi' le nu ra lo titsa' qui' Señor, anía modo nna chi beni le prueba nna chi yù le qui'ni yala enne' tsè' née lani le. ⁴Lità lani Señor, porqui'ni lèe enni'q' née cimimiento de la' labàni para lebi'í. Ca enne' nna labí runi ca ne apreciar, pero chi becué! Tata Dios ne nna yala dàque'e para lani lèe. ⁵Lebi'í nna, tì'a ttu templo vivo nu ratha lo cimimiento tsittsìa, q' ná qui'ni guni ttu ttu tsa le seguir nna ccá le sacerdote qui' Tata Dios nna gutsia ru'a lúe sacrificio, pero de nu da' de lo losto' le por oración lani nombre qui' Jesucristua, porqui'ni q' rú'ulatsi' Tata Dios. ⁶A'hua lo titsa' qui'e nu ga'na escrito nna rèe:

Becuí'a' Cristo nna ithel-la' ye' e para quée enne' principal qui' yétsi cubi nu runia' para ccá ca ca enne' quia'.

Iyaba canu gappa ca confianza lani lèe nna labí guthà'nee ca lo neda.

⁷Lebi'í canu ría latsi' nna yala redácca'ni le por Cristua porqui'ni yala daque'e para lebi'í. Pero canu labí ría latsi' qui' nu rèe nna tsè'e la ca lo peligro, porqui'ni ra huée:

Qui'ni íyya nù labí guyú'u latsi' canu rucuà' yú'a nna, chi nq íyya principal nu adila tsittsi naxu'q yú'a.

⁸Ra ruhuée lo titsa' qui'e nu chi ga'na escrito:

Ccá ca equivocar porqui'ni rulába latsi' qui' mal qui' Cristo, pero née enne' principal.

Ccá ca equivocar porqui'ni labí ría latsi' qui' nu ra lo titsa' nu rulue' tì'íya modo l-lá ca por Cristo Jesús. Chi nani Tata Dios qui'ni iyaba canu labí runi ca nu rèe lo titsa' qui'e nna ridacca'yí ba ca nna nitti ca.

⁹Pero lebi'í nna bihua ná le canu labí ría latsi', sino ttùba familia ná le qui' Tata Dios. Lèe nna née enne' rigú'ubia'nie le nna chi becuí'e le para inàbani li e lani oración nna gudàliani li e. Chi beyuniyén latsi'e ca tul-la' qui' le, chi ná le enne' qui'e. Anía modo benie para qui'ni lebi'í nna guni le declarar dacca'ló tabá tì'íya tsè' ná la' huacca qui' Tata Dios, porqui'ni loti' guta'yie le nna bedilèe le le' ca tul-la' qui' le nna bennee la' ritelíni tsè' qui' le nna chi ná le ca enne' de la' yani'.

¹⁰Antes nna lanú nuya uccua le, pero ànnana yala riyu' le para Tata Dios nna chi ná le yétsi qui'e. Antes nna lanú nuya enne' betúa latsi'í le, pero ànnana chi nabíá'ni le tì'íya tsè' ná la' retúalatsi' qui' Tata Dios lani le.

¹¹Hermanos to' quia', labí tsè'e le le' yétsiloyuì tulidàba, porqui'ni làti ná litsi' gani lía nna ná ÿiabara'. Acca nia' le qui'ni bittu guni le la' ridàlatsi' mal nu rú'u latsi' yétsiloyu, porqui'ni la' ridà latsi' mal nna gutsiánià la' rulábalatsi' tsè' nu chi benna Tata Dios qui' le. ¹²Lihue' cuidado tì'iyà inne le nna tì'iyà guni le lani ca enne' qui' le. Guni le nu ná tse' lani ça, porqui'ni màsqwi'ba rulaba latsi' qui' mal qui' le nna rinne ça contra le nna, pero canchu chi íl·lani Cristua nna làniana exa latsi' qui' qui'ni beni le nu rú'u latsi' Tata Dios nna hué' ça ne gracia por lebi'ì. ¹³Liguni obedecer iyaba ca ley qui' gobierno qui' le, porqui'ni à' ná qui'ni guni le por amor qui' Señor Dios. Ligappa respeto enne' rigú'ubi'á nación qui' le, porqui'ni ná enne' de poder. ¹⁴A'hua ná qui'ni guni le nu ra lo ley qui' estado qui' le, porqui'ni enne' rigú'ubi'á nación qui' le nna rutia orden qui' ca gobernador qui'ni guni ça castigar canu runi nu ná mal, à'hua qui'ni gudáliani ça canu runi nu ná tsè'. ¹⁵Tata Dios nna calàtsi'e qui'ni guni le nu ná tsè', para qui'ni à' modo nna guthàya rú'a ca enne' canu labí chi ritel' tsè'ni ça. ¹⁶Ná qui'ni edacca' latsi' le porqui'ni para lani Tata Dios nna labiru tsè'e le bajo nuña, sino lèe nna née Xana' nu adiru dacca' qui' le para guni li e servir. Pero bittu uquìna'ni le libertad nu chi te qui' le ti'ba ttu pretexto para guni le tì' tabá calatsi' le lani luètsi ttu le nna attu le nna. ¹⁷Bittu guni le despreciar nuña enne'. Liúlue' qui'ni te iýeni la' tsì'ilatsi' lo losto'

le para adí ca enne' ría latsi'. Tsé'e le tsì ba delante de Tata Dios enne' te itute poder qui'e. Ligappa respeto gobierno.

¹⁸Lebi'ì canu ná mozo qui' ca enne' runi tsina, bittu edúdítsini le xana' le, sino guni la le biya tsina ra ça le, aláa làteruba lani ca xana' nu ná enne' tsè' nna rinne ça titsa' latsirú, sino à'hua lani ca xana' nu yala idí' rinne ça nna cuenta rititsi' báni ça le. ¹⁹Tata Dios nna bittu iýùl·lanie iyaba nu cca le sufrir de runi le nu ná tsè' ru'a lúe nna ruchia li à pero puro lani la'ýeni ba màsqwi'ba runi ça contra le, álahua qui'ni biya beni le. ²⁰Pero canchu runi le nu ná mal nna acca runi ça le castigar porqui'ni rigú'u le falta, entonces tì'ala modo ina ri'u qui'ni tsè'ba runi le de ruchia ba le cá. Pero canchu rinne dí' ça lani le nna runi ça le castigar màsqwi'ba labí biya mal beni le pero hua ruchia ba le puro lani la'ýeni ba de yù le qui'ni beni le nu ná tsè', entonces hua lígani nùì nua' ná nu rú'u latsi' Tata Dios. ²¹Para ccá le sufrir porqui'ni runi le nu ná tsè' lani ca enne' nna, pues para nùì nna gutaýi Tata Dios le. Cristua enne' uccuee sufrir para gudilèe ri'u nna labí gulú'e biya falta, pero bechia bée na tì'a rú'u latsi' Tata Dios, para qui'ni guthete' ri'u guni ri'u tì'a lèe. ²²Nidi tsa labí biya mal benie, nihua labí biya titsa' beýia gunnie. ²³Labí bedúdítsinie ça lani titsa' dí' loti' bedua dí' ça ne. A'hua loti' chi rutti ça ne nna, labí bedi'e yè' lani ça, sino gùppee confianza lani Tata Dios porqui'ni yùe qui'ni Tata Dios nna gunie ça juzgar según nu ná lí.

²⁴Castigo nu ná qui'ni ccá ri'u sufrir por ca tul-la' qui' ri'u, pues Cristua loti' gut'é lo curutsia nna, la'a labée nna uccuee sufrir nu ná qui'ni tté ri'u. ¹A' benie para qui'ni ri'u nna bítturu guni ri'u tul-la', sino bàni la ri'u para guni ri'u nu rée nu ná tsè'. Por ca huè' qui'áa loti' bè' cã néa lani cuarta, anía modo beyuniyén latsi' Tata Dios ca tul-la' qui' ri'u nna labiru ná ri'u enne' tul-la' ru'a lúe. ²⁵Ti'a ca carnero nu lanú pastor te para huí'ã cã cuidado nna gàtti' tté bá neda guỹi' cã, pues a'hua lebi'i tsè'e le lo peligro antes, pero ànnana chi beyequia le lani Pastor qui' le, chi tanó le Cristo enne' runie le defender contra iyaba mal.

3 Annana rinénia' lebi'i ca niùla: Nuỹa tediba niùla nu chì dua tselì nna, ná qui'ni guniã nu ra tselì, màsqui'ba nubeyu' qui' lu' labí ría latsi'i tìtsa' qui' Jesucristua, porqui'ni a' modo nna gurexaèl-la' lu' a para tsía latsi'i porqui'ni ilá'niã tì'iỹa tsè' runi lu' lani a nna l-lá, sin qui'ni equixá'ani lu' a tulidàba, ²sino por modo tsè' qui'ba lu' lani a de rilá'niã qui'ni runi lu' duel-la' guni lu' nu ná tsè' nu ra Tata Dios. ³Lebi'i niùla, bittu gulaba latsi' le qui'ni por tanto adorno nna ccá le adí tsè', nihua bittu gulaba thuti latsi' le tì'iỹa modo gulue' adí tsè' ittsa' iqquia le, nihua ca lari' nu dacca' yaỹi l-le. Álahua por ca nuã' ccá le enne' adí tsè', porqui'ni puro ca cosa lo ra' ba ná ca nuã'. ⁴Lebi'i niùla, ná qui'ni telini le qui'ni nu dacca' adiru nna ná qui'ni ccá le niùla yénlatsi' lani ca enne' nna gappa le la' yēni canchu chi runi le

biỹa tsina qui' le, para qui'ni bittu etsèla biỹa cuestión le' yú'u qui' le. Yala tsú'u latsi' Tata Dios canchu a' cca modo qui' le. ⁵Ca niùla canu huía latsi' qui' Tata Dios tiempo antigua nna beni cã duel-la' ccá tsè' modo qui' qui'. Ttu ttu niùla nna guppã confianza Tata Dios nna beniã respetar derecho qui' nubeyu' qui'i enne' rigú'ubia' le' yú'u. ⁶Ti'a beni Sara, niùla gudua tiempo antigua nna beniã respetar nubeyu' qui'i Abraham nna beniã obedecer canchu biỹa mandado runi bi a. Lebi'i ca niùla, canchu guni le nu ra ca nubeyu' qui' le nna, a' modo ccá le ti'a Sara. Canchu chi runi le nu ná tsè', entonces labiru caduel-la' gatsini le biỹa. ⁷Annana rinénia' lebi'i ca nubeyu' canu ría latsi': Nuỹa tediba nubeyu' nu chi dua esposa qui'i nna, ná qui'ni guyu tsì'a na lani la' tsì'ilatsi'. A' ná qui'ni guni lu' porqui'ni chi yù ri'u qui'ni ca niùla nna labí ná cã tsìtsì tì'chu nubeyu', acca exa latsi' lu' qui'ni Tata Dios nna catsi'í huanie niùla qui' lu'a porqui'ni chuppa tabá le ná le yì'nie ru'a lúe nna chi bennee qui' le tulappa ba la' labàni nu labí ttíã. Pero canchu labí thua lu' lani la' tsì'ilatsi' lani niùla qui' lu'a nna, tì'ani modo ecàbi Tata Dios oración qui' le cá. Labí yã.

⁸Annana rinénia' iyaba lebi'i canu ría latsi'. Liguni duel-la' ccá ttuba la' rulábalatsi' qui' le para guni le nu rú'u latsi' Señor. Canchu nuỹa ttu le nna ccá sentir por biỹa nna, entonces ná qui'ni ccá hua le sentir por lã, sea la' rehuini' latsi' o sea la' redácca' latsi'. Liúlue' por biỹa hecho tsè' qui' le qui'ni te la'

tsì'ilatsi' lo losto' le por ca hermano qui' le, sea por biya gute le qui'ì or por biya cualàni guni li a. Ccá le enne' de la' retúalatsi'. Ttu ttu tsa le nna ná qui'ni ccani le í: ca hermano quia' nna pues adí ca enne' dacca' ná cã ti'chu inte'. ⁹Bittu edi' le yè' canchu biya ruthacca' ca enne' le. Bittu qué' le iqquia canu rudua dí' cã le. Sino liguni la oración qui'ni Tata Dios nna etúa latsi'e cã, porqui'ni chi gutaýie le para guni le nu ná tsè' lani ca enne', a' modo nna thi' le adí la'yeni nu runna Tata Dios qui' le. ¹⁰Porqui'ni ra lo titsa' qui' Tata Dios nu chi ga'na escrito:

Nuya calàtsi'ì gata' ttu la' labàni tsè' qui'ì lani la' yeni lo lostu'ì tulidàba nna, caduel-la' qui'ni bittu ru inniã biya titsa' mal nihua titsa' beýia nna.

¹¹A'hua ná qui'ni guttse'e latsi'ì nu ná mal nna guniã nu ná tsè' nna bittu til-la laniã ca enne' sino guniã duel-la' ccã tsì'a iyaba ca enne'.

¹²A' ná qui'ni guniã, porqui'ni Señor nna rilá'nie iyaba canu runi nu rèe, para qui'ni ecabie ca oración qui' qui'.

Pero labí favor runie lani canu runi mal.

¹³Casi lanú enne' calatsi'ì guthacca'ã le biya mal canchu rilá'niã qui'ni ttuba ná la' rulábalatsi' qui' le para guni le nu ná tsè'. ¹⁴Pero canchu chi ccã le sufrir màsqui'ba chi runi le nu ná tsè', pues i'yu tsá qui'ni yala edácca'ni losto' le. Bittu gátsini le ca enne' canchu rena cã qui'ni biya mal guthacca' cã le, nihua bittu gulaba thuti latsi' le qui' ti'iyã guni

le. ¹⁵Ligappa confianza lo losto' le lani Cristua, porqui'ni lèe nna née enne' rigú'ubia' lo iyate. Siempre guni le preparar ti'iyã ecabi le canchu inàba titsa' cã le nna ina cã: ti'ani modo acca yù lu' qui'ni chi gulà lu' nna tsá lu' ýiabara' cá. Pero ecabi le bétsi to'ba lani titsa' de razón. ¹⁶Bittu guni le biya mal gattsì' ba, para qui'ni gappa le adí valor de yù le qui'ni tsè'ba runi le ru'a lo Tata Dios. Làniana canu ínnei cã mal qui' le nna yala ettu'ni cã, porqui'ni ennia cã cuenta qui'ni labí ná lí nu gunne cã contra lía, porqui'ni rulue'ní qui'ni tanó le Cristua nna runi le nu ná tsè'.

¹⁷Canchu Tata Dios calàtsi'e qui'ni ccã le sufrir, adila tsa' qui'ni guni le nu ná tsè' tulidàba màsqui'ba ccã le sufrir, ti'chula guni le nu ná mal. Porqui'ni canchu guni le nù ná mal nna, pues ccã hua le sufrir pero lani là' rettu'ló de cca le merecer biya castigo nu ruthacca' cã le. ¹⁸Cristua nna née completamente enne' tsè' nna nàri nna, pero tsàba uccue padecer por ri'u canu tul-la', para qui'ni anía modo nna ichi'e ri'u lani Tata Dios. Bètti cã cuerpo qui'áa, pero por espíritu qui'áa beyacca bàni bée attu nna, ¹⁹huie làti yaya ca espíritu preso nna benìnie cã predicar, ²⁰ca espíritu qui' ca enne' canu gudua tiempo antigua loti' gudua Noéa nna labí beni caso cã qui' Tata Dios loti' ribedee qui'ni ehui'ní'ni cã por ca tul-la' qui' qui' de runi Noéa barco para l-lá cã juicio iyya. Xunu' teruba enne' gulà cã juicio iyyaá porqui'ni beni caso cã Tata Dios nna gutà'a cã le' barcau.

²¹A' modo gulà Noéa nna, acca

ritelíni ri'u tì'iya beni bautismo para ri'u, porqui'ni canchu ccá ri'u bautizar nna telíni qui'ni chi gulà ri'u nna labiru tsè'e ri'u lo peligro qui' juicio. Ri'u canu ría latsi' nna chi gulà ri'u, alàa cuestión de eyàri cuerpo qui' ri'u, sino porqui'ni chi gunàbani ri'u Tata Dios lani oración qui'ni eyuniyén latsi'e iyaba ca tul-la' qui' ri'u para qui'ni ccá ri'u saber qui'ni labiru tse'e ri'u bajo sentencia qui' Tata Dios. A' runie para ri'u, porqui'ni Jesucristua nna gùttie nna beyathee de lo lù'uti.

²²Jesucristua nna chi betsìne'e yìabara' làti dúe anna cuitta' Tata Dios nna te itute la' huacca làtsi' né'e, acca iyaba ca ángeli canu tsè'e yìabara' nna rudu yìbi cabi ru'a lúe, a'hua iyaba adí ca poder canu tsè'e yìabara' nna runi ca ne obedecer.

4 Cristua nna loti' gudue yétsiloyu nna uccuee sufrir. A'hua ri'u nna ná qui'ni ccá ri'u dispuesto ccá ri'u sufrir canchu biya mal guthacca' ca enne' ri'u. Porqui'ni de chi yù ri'u qui'ni canchu anía chi cca ri'u sufrir nna, làniana ritelíni qui'ni labí runi ri'u tul-la', acca ca enne' mal nna rudua dí' ca ri'u. ²Dèsdeba ànna hàstaba qui'ni gatti le nna ná qui'ni guni le nu rú'u latsi' Tata Dios, alàa ca la' ridà latsi' mal qui' yétsiloyu. ³Ca ida nu chi gutè ántesca tsía latsi' le nna, beni ba le biya uccua latsi' le tì'a ca enne' anna canu labí ría latsi'. Yala bedácca'ni le lani ca vicio nu calatsi' le guni le nna ca la' ridà latsi' mal nna borrachera nna gu'ya gutò le nna gutil-la le lani ca enne' por la' dùtsíni qui' le nna guretsi hua le, a' beni le de runi le

fiesta qui' ca ídolos, làniana adiru tul-la' beni le. Basta lani nu chi beni lià' nna, chía ùccuaní qui' le. ⁴Canu labí ría latsi' nna cca'yí latsi' qui' nna rena ca: Biécca labiru runi le tì'a beni le ttu cuaya nua: a' rena ca porqui'ni labiru runi le ca vicio nu riníttini ca enne', acca ruýtisini ca le nna ruduadí' ca le. ⁵Pero hui'yu tsá qui'ni lacà nna tsé'e ca ru'a lo Tata Dios enne' te la' huacca qui'e para gunie juzgar canu labí chi gùtti ca a'hua canu yàtti nna, làniana te qui'ni gute ca cuenta por biya nua beni ca nna ccá ca juzgar. ⁶Acca uccua predicar nu ccá qui' Cristua lani ca ántesca gatti ca, para qui'ni màsqui'ba Tata Dios nna benie cuerpo qui' qui' juzgar nna gùtti ca tì'a cca lani iyaba ca enne', pero gùppa ca oportunidad para gata' la' labàni nu labí ttíà qui' qui' lani espíritu tì'a Tata Dios. ⁷Yétsiloyu nna labí gunià seguir tulidàba porqui'ni chì' tabá duà nna ccá juzgar. Acca lihue' cuidado qui'ni ccá le listo lani la' rulábalatsi' tsè' qui' le para guni le nu ná tsè' nna, a'hua ccá le listo para guni le oración biya tabá hora. ⁸Nu adiru dacca' nna nà qui'ni gulue' le iyni la' tsì'ilatsi' lani ttu le nna attu le nna. Porqui'ni canchu té la' tsì'ilatsi' lo losto' ri'u lani ttu enne' nna, entonces fácil nà para eyuniyén latsi' ri'u ca falta nu rigú'a lani ri'u nna labiru quiniyú ri'u a. ⁹Liguni recibir ca enne' da' litsi' le, liguni ca atender biya riquìna'ni ca, pero bittu biya inne le qui' qui' bitola. ¹⁰Tata Dios nna chi bennèe qui' ttu ttu ènne' la' ritelíni para gunià ttu cosa tsè'. Acca ttu tsa le nna ná

qui'ni guni le ofrecer guni le servir según la' ritelíni nu te qui' le, para qui'ni a' modo nna adí ca enne' nna thi' hua ca ca bendición nu runna Tata Dios qui' qui'. ¹¹Canchu Tata Dios nna chi bennèe la' ritelíni qui' lu' para guni lu' discurso nna, quixá'a lu' nu ra lo titsa' qui' Tata Dios lani la' huacca qui'e. Canchu guni lu' cualani ttu enne' nna o biya nu cca ofrecer le' iglesia nna, pues guni lu' a' según la' ritelíni nu runna Tata Dios qui' lu' lani itute latsi' lu'. Iyaba nu guni le nna, ná qui'ni guni li a' lani ttuba la' rulába latsi' para qui'ni ca enne' nna ina ca quiyaru Tata Dios lani nombre qui' Jesucristo enne' què merecer la' dàliani nna te itute la' huacca làtsi' né'e nna rigú'ubi'e tulidà tabání. Amén.

¹²Lebi'i ca hermanos to' quia', bittu gátsini le canchu ca enne' chi calatsi' qui' biya guthacca' ca le nna gútti ca le nna, bittu ina le: Biécca ritia' a'. ¹³Canchu ccá le sufrir por biya prueba ni nna, ná qui'ni edacca' lání le, porqui'ni adí ttuba cca le lani Cristo canchu ccá le sufrir por biya ruthacca' ca enne' le, porqui'ni a'hua lèe nna yala sufrir uccuee. Làniana canchu chi i'yu tsá ilá'ni le qui'ni il'lanie attu lani la' yani' nna la' huacca nna, yala edacca'ni le. ¹⁴Ica'rubà le canchu runi le nu ra Cristua màsqui'ba ca enne' nna yala ruyudí' ca le, porqui'ni Tata Dios nna chi guthel-le'e Espiritu nna dúe lani le nna runne la' huacca nu dá' de yiabara' lani le para qui'ni gúchia le ccá le sufrir lani la' redacca' latsi'. Lacá nna nuýeni maldad rinne ca

qui' Tata Dios. Pero lebi'i nna runi le nu ná tsè', a' modo nna rulue'ní qui'ni rudàliani le Tata Dios. ¹⁵Bittu gútti lu' enne'. Bittu cuana lu'. Bittu biya guthacca' lu' ttu enne'. Bittu gulàtsi' qui' lu' asunto nu labí ná para gulàtsi' qui' lu', para qui'ni làa chatha pleito. Porqui'ni canchu l'ani lu' ca cosa mal na', entonces ccá lu' sufrir por causa qui'ba lu'. ¹⁶Pero canchu ca enne' ritsa'áni ca lu' porqui'ni denó lu' Cristo nna cca lu' sufrir por biya ruthacca' ca lu' nna, entonces bittu ná qui'ni étu'ni lu' porqui'ni álahua ná escándalo nu runi lu'. Sino ná lá qui'ni hué' lu' gracia Tata Dios qui'ni ná lu' enne' qui' Cristo. ¹⁷Tata Dios nna chi gùdulo runie juzgar yétsiloyu, pero primero lani ri'u ca enne' qui'e nna runie ri'u corregir para qui'ni bítturu mal guni ri'u. Pero canu bittu ría latsi' qui' titsa' qui' Tata Dios enne' rulue' tì'iyà modo l-lá ca por Cristo nna, entonces tì'a gani adí tterula tté ca cá. ¹⁸Tì'a ra:

Ca enne' runi ca duel-la' guni ca nu ná tsè', pues hua yù ri'u qui'ni ná tàbi para qui'ni l-lá ca.

Pero ca enne' canu rena qui'ni labí riquina'ni ca Tata Dios nna redacca'ni ca por mal nu runi ca, tì'ala ccá la' tté qui' qui' cá.

¹⁹Acca lebi'i canu chi cca sufrir porqui'ni a' ná voluntad qui' Tata Dios para lebi'i, liguni seguir nu ná tsè' nna gappa le confianza lani Tata Dios, porqui'ni yùliràni le qui'ni lèe nna benie le nna te la' huacca qui'e huí'e le cuidado, para qui'ni iria tsè' le le' biya prueba nu dá' lani le, tì'a chi rèe qui'ni gunie.

5 Inte' Pedro nna rinenia' lebi'ì canu ná responsable qui'ni tsía tsè' taá iglesia qui' le porqui'ni ná le anciano. A'hua inte' nna ná anciano nna bilá' te' Cristua nna yua' qui'ni uccuee sufrir nna gùttie loti' gut'é le curutsia. A'hua ga'na' seguro qui'ni ilá' hua te' la' yani' qui'e de il·lanie attu de ÿiabara'.
²Hué' le cuidado iglesia qui' le tì'a ttu pastor tse' lani ca carnero to' qui'ì, porqui'ni Tata Dios nna chi bedue le para ccá le responsable por la' labàni espiritual qui' ca enne' ría latsi'. Acca ná qui'ni guni le tsina lani iglesia pero lani itute latsi' le de chi te voluntad qui' le, alàa solamente porqui'ni beni cã le nombrar, nihua para qui'ni guni cã le ofrecer bi'ya, sino guni li ã porqui'ni nã tsina qui' Tata Dios.
³Bittu guthítsini le ca hermano tse'e le' iglesia qui' le para guni cã ti'ba calatsi' le, sino gulue'ni le cã nu ná tse', làniana guni cã seguir ejemplo qui' le.
⁴Jesucristua nna née Príncipe de iyaba ca pastor nna. Canchu chi il·lanie attu nna cu'úe iquiqua ttu ttu tsa le ttu corona de la' yani' nu nunca labí ichùl·lã, porqui'ni bè' le cuidado tsè' iglesia qui'e.
⁵Annana rinénia' lebi'ì ca nubeyu' cuiti': Ná qui'ni gulaba tsè' latsi' le para guni le consejo nu rute ca anciano qui' le.

Iyaba lebi'ì hermanos ná qui'ni ccá le enne' yénlatsi' nna guni luètsi le cualani bi'ya tsina nu cca ofrecer, porqui'ni lo ca titsa' qui' Tata Dios nu ga'na escrito nna rèe:

Tata Dios nna runie contra canu rebata' cã nna rena cã qui'ni hua yù ba cã bi'ya guni cã.

Pero canu yénlatsi' nna, Tata Dios nna runie cã cualani.

⁶Lèe nna yùe iyaba la' ritè qui' le, acca gúchia ba le nna thi' ba le la' yénlatsi', porqui'ni la'a làbée nna rigú'ubi'e lo iyate. Làniana hui'yu tsá qui'ni labiru ega'na le menos, sino gudàlianie le.
⁷Bittu gulaba thuti latsi' le por bi'ya problema nu ril·lani lani le l·le, sino liguni oración lani Tata Dios nna ligappa confianza lani e para gunie arreglar iyaba ca cosã, porqui'ni yala catsi'ínie le.
⁸Bittu gulaba latsi' le qui'ni labí bi'ya peligro dá'. Por ejemplo, canchu chi da' ttu tigre nna ritùniã nna ribétsiya'ã reyilã bi'ya guã. Pero lebi'ì nna hua dua attu contrario qui' le nu adí fuerte, quiere decir, la'a numalua ba, lã nna cà hua latsi'ì gul·lu'ya latsi' le. Acca licca listo nna lihue' cuidado.
⁹Pero ná qui'ni guni le sostener nu ra Tata Dios nna ccá tsìttsì fe qui' le lani e qui'ni te la' huacca qui'e, anía modo redúdítsini le numalua. Liúrexa latsi' le qui'ni a'hua adí ca hermano ga'ya tédiba tsè'e cabi le' yétsiloyu nna cca hua cabi sufrir de ril·lani la'a mísmuba cã prueba lani cabi.
¹⁰Iyaba ca sufrimiento nu ritè le anna, para tuchùppa ubitsa ba ná cã, pero Tata Dios nna chi guta'ye ri'u para qui'ni canchu chi i'yu tsáa nna gata' la' redácca'latsi' qui' ri'u tulidàba de chi ná ri'u ttuba lani Jesucristo. Lèe nna eyunne fuerza qui' le nna gunna huée qui' le adí valor para bítturu gátsini le, sino ccá le tsìttsì lani titsa' qui'e nna guni le seguir nu chi rèe lani itute latsi' le.
¹¹Qui'yaru Cristua porqui'ni née enne' dacca' adiru de lo iyaba

ca enne' nna te itute la' huacca latsi' né'e. Amén.

¹²Inte' Pedro nna yala confianza te quia' lani hermano qui' ri'u Silvano, acca bedía' carti' por medio de làbi nna guthel-la' ya' ą làti tsè'e le, ą' modo nna riquixa'ánia' le tì'ÿa ná qui'ni guni le para gappa le adí ánimo. Nía' le qui'ni nu chi bediánia' le nna ná titsa' lígani porqui'ni ná enseñanza nu rulue' tì'ÿa ÿeni ná favor nu runna Tata Dios qui' ri'u, tì'a chi ría latsi' le. ¹³Inte' lani ca hermano qui' iglesia nu re'

le' ciudad Babilonia nna rithel-la' tu' la' rinàba titsa' qui' le. Tata Dios nna becuí'e intu', ą'hua lebi'ÿi, para gudàliani ri'u e. Marcos nna rithel-la' hua bi la' rinaba titsa' qui' le. Marcos nna runi bi inte' cualani le' tsina qui' Señor ti'átsi ná bi ÿì'nia'. ¹⁴Canchu lebi'ÿi nna etsa' luètsi le, liguni saludar ttu le nna attu le nna lani la' tsì'ilatsi' tì'a ná qui'ni guni ca enne' qui' Tata Dios. Ccá le bendecir lani la' ÿeni lo losto' le, iyaba le canu chi ná le ttuba lani Cristo Jesús.

À' bá ná.